



Մ Ա Յ Ր Ա Թ Ո Ռ Ո Ւ Մ

ՆՈՅՆՄԱՐԵՐԻ 13-ին, ՈՒՐԱԹ, Հոգևոր ձեմարանի հանդիսությանց դահլիճում, «Անթիլիասի հակաթողությունը Հայ Եկեղեցու կանոնական իրավունքի լույսի տակ» թեմայով դասախոսություն կարդաց իրավաբան պր. Գրիգոր Չուբարյանը:

Դասախոսության ներկա էր նաև Վեհափառ Հայրապետը:

ՆՈՅՆՄԱՐԵՐԻ 14-ին, ՇԱՐԱԹ, Հոգևոր ձեմարանի հանդիսությանց դահլիճում տեղի ունեցավ ուսանողության կողմից կազմակերպված հերթական գրական երեկո, որի ընթացքում Գլխարանի ուսանող բարեշնորհ Սարգիս սարկավազ Սարգսյանը հետաքրքիր շարադրություն կարդաց «Առողջապահություն» թեմայով: Շարադրության ընթերցումից հետո տեղի ունեցավ մտքերի փոխանակություն:

Երեկոյին ներկա էր նաև Վեհափառ Հայրապետը:

ՆՈՅՆՄԱՐԵՐԻ 15-ին, ԿԻՐԱԿԻ, Մայր Տաճարում, Իջման Ս. Սեդանի վրա պատարագեց հոգեշնորհ Տ. Հուսիկ վարդապետ Սանթուրյանը:

Սուրբ պատարագին ներկա էր Վեհափառ Հայրապետը:

ՆՈՅՆՄԱՐԵՐԻ 18-ին, ՉՈՐԵՔՇԱՐԹԻ, Երեկոյան ժամը 4-ին, Հոգևոր ձեմարանի հանդիսությանց դահլիճում, Հայկական ՍՍԽ վաստակավոր արտիստ կոմպոզիտոր Գուրգեն Ադամյանը տվեց թավջութակի համերգ՝ բաղկացած երկու մասից: Դաշնամուրի բաժինը կատարում էր դաշնակահար Մարինե Հարությունյանը:

Նախքան համերգը, ԱՄՆ-ում հասարակական գիտությունների դասախոս պր. Վահագն Տատուրյանը, որը հյուրաբար գտնվում էր

Մայր Աթոռում, բանախոսեց Ամերիկայի հայոց ազգային-եկեղեցական կյանքի մասին:

Բանախոսության և համերգին ներկա էր Վեհափառ Հայրապետը, ինչպես նաև ամբողջ միաբանությունը, ուսանողությունն ու պաշտոնեությունը: Բանախոսությունը լրսվեց հետաքրքրությամբ, իսկ համերգը անցավ շատ հաջող՝ ստեղծելով արվեստի ջերմ մթնոլորտ և ապրումներ: Համերգից հետո Վեհափառ Հայրապետը իր գոհունակությունն ու շնորհակալությունը հայտնեց հարգելի արտիստներին և հյուր դասախոսին:

ՆՈՅՆՄԱՐԵՐԻ 21-ին, ՇԱՐԱԹ, «Ընծայումն Ս. Աստուածածնի ի Տաճարն»: Մայր Տաճարում պատարագեց արժանապատիվ Տ. Մկրտիչ ավագ քահանա Մկրտչյանը: Պատարագի երգեցողությունները կատարեց Հոգևոր ձեմարանի երգեցիկ խումբը:

Նույն օրը Երևանի եկեղեցիներում պատարագեցին և քարոզեցին նորընծա վարդապետները:

Երևանի Ս. Սարգիս եկեղեցում սուրբ պատարագ մատուցեց և «ննդրեցէք զարքայութիւն Աստուծոյ, և այն յաւելցի ձեզ» (Դուկ. ԺԲ 31) բնաբանով քարոզեց հոգեշնորհ Տ. Մաշտոց վարդապետ Թաշիրյանը:

Ս. Չորավոր եկեղեցում պատարագեց և քարոզեց հոգեշնորհ Տ. Հուսիկ վարդապետ Սանթուրյանը «Ծն եմ դուռն, ընդ իս եթէ որ մտանիցէ, կեցցէ» (Յովհ. Ժ. 9) բնաբանով:

Ս. Հովհաննես եկեղեցում պատարագեց և քարոզեց հոգեշնորհ Տ. Հարություն վարդապետ Մատենյանը «Ի վերայ Աշոյն և էջմիածնի ամենայն Ազգն Հայոց կապեալ կան» (Առաքել Դավրիժեցի) բնաբանով:

ՆՈՅՆՄԱՐԵՐԻ 21-ին, ՇԱՐԱԹ Երեկոյան, Հոգևոր ձեմարանի հանդիսատեսում տեղի ունեցավ վիճաբանական երեկո Առողջ միտք

առողջ մարմնի մեջ» թեմայի շուրջը Դեմ ու թեր վիճողներն էին բարեշնորհ խորեն սարկավազ Պալյանը և բարեշնորհ Սարգիս սարկավազ Սարգսյանը: Վիճարանության շուրջ մտքերի փոխանակությանը մասնակցեց ներկա ուսանողության մեծ մասը:

ՆՈՅՆՄԱՐԵՐԻ 24-ԻՆ, ԵՐԵՎԱՆԻ, ՎԵՐԱՊԻԱՆ Հայրապետը, ընկերակցությամբ գերաշնորհ Տ. Հայկազուն եպիսկոպոս Աբրահամյանի և հոգեշնորհ Տ. Հուսիկ վարդապետ Սանթրուկյանի, այցելեց Երևանի Կերպարվեստի սալոնում բացված Հայաստանի նկարիչների կիրառական արվեստի ցուցահանդեսը:

ՆՈՅՆՄԱՐԵՐԻ 28-ԻՆ, ԵՐԱՐԱԹ, «տօն սրբոց առաքելոցն և առաքին լուսաւորչացն մերոց Թադէոսի և Բարթողիմէոսի»: Մայր Տաճարում մատուցվեց սուրբ պատարագ: Պատարագին էր արժանապատիվ Տ. Հակոբ քահանա Հակոբյանը: Պատարագի երգեցողությունները կատարեցին Հոգևոր ձեմարանի ուսանողները:

ՆՈՅՆՄԱՐԵՐԻ 28-ԻՆ, ԵՐԱՐԱԹ, հետմիջօրեի ժամը 2-ին, Հոգևոր ձեմարանի հանդիսասրահում տեղի ունեցավ գրական հանդես՝ նվիրված Հայաստանում սովետական կարգերի հաստատման 39-րդ տարեդարձին: Հանդեսը բացեց Հոգևոր ձեմարանի վերատեսուչ գերաշնորհ Տ. Հայկազուն եպիսկոպոս Աբրահամյանը: Կատարվեցին օրվա տոներ խորհրդանշող արտասանություններ, մեներգներ և խմբերգներ: Նոյեմբերի 29-ի պատմական, ազգային մեծ նշանակության մասին բանախոսեց Հոգևոր ձեմարանի դասախոս և «Էջմիածին» ամսագրի խմբագիր Արթուր Հատիտյանը:

Հանդեսի վերջում հայրենասիրական և օրհնության փակման խոսքով հանդես եկավ Վեհափառ Հայրապետը:

Հանդեսը վերջացավ «Հայր մեր» Տերունական աղոթքով:

ՆՈՅՆՄԱՐԵՐԻ 29-ԻՆ, ԿԻՐԱԿԻ, Մայր Տաճարում, Իջման Ս. Սեղանի վրա պատարագեց արժանապատիվ Տ. Հակոբ քահանա Հակոբյանը: Պատարագի վերջում, Վեհափառ Հայրապետի հանդիսապետությամբ, կատարվեց Կառավարական մաղթանք՝ Հայաստանում սովետական կարգերի հաստատման 39-րդ տարեդարձի առթիվ: Նոյեմբերի 29-ի ազգային տոնի կապակցությամբ քարոզեց Մայր Տաճարի լուսարարապետ գերաշնորհ Տ. Սահակ արքեպիսկոպոս Տեր-Հովհաննիսյանը:

ՆՈՅՆՄԱՐԵՐԻ 29-ԻՆ, ԿԻՐԱԿԻ, Մայր Աթոռ այցելեցին Լեհաստանի մի խումբ նկարիչներ և արվեստի գործիչներ: Հյուրերը եղան եկեղեցական արվեստի թանգարանում, մեծ ուշադրությամբ և հիացմունքով դիտեցին Մայր Տաճարի Հովնաթանյան նկարազարդումները: Հյուրերը եղան նաև Վեհարանում, Մաղկյա դահլիճում, որտեղ և նրանց ընդունեց Վեհափառ Հայրապետը: Վերջում հյուրերը Վեհափառ Հայրապետի Ս. Սըր համբուրելով լավագույն տպավորություններով հրաժեշտ առին Մայր Աթոռից և Վեհափառ Հայրապետից:

ՆՈՅՆՄԱՐԵՐԻ 30-ԻՆ, ԵՐԿՈՒՇԱՐԹԻ, Բուլղարիայի Պլովդիվ քաղաքի հայոց եկեղեցու ատենապետ պր. Գևորգ Կարապետյանը, որը 2 ամիս հյուրաբար գտնվում էր Մայր Աթոռում, տեղադրելու համար նորաշեն աշտարակի ժամացույցը՝ նվեր բուլղարահայության՝ իր աշխատանքը վերջացնելուց հետո վերադարձավ Պլովդիվ, Վեհափառ Հայրապետի օրհնությամբ:

